

知施南府事王協夢監修

官師志

土司

宋

永勝

嘉祐三年以施州蠻向永勝所領州為安定

州

宋史蠻夷列傳

向再健

紹興十二年詔以施州南砦路夷人向再健

襲父思遷充銀青光祿大夫檢校國子祭酒兼監察

施南府志

卷之二十一

官師

御史武騎尉知懿州事

同上

元

勾答什用

至元三十年四月師壁散毛崗勾答什用

等四人各授蠻夷官賜以璽書遣歸

元史世祖本紀

覃順

至元三十五年五月散毛崗主覃順等來貢方

物陞其崗為府

同上

明

石山

洪武二十三年涼國公藍玉克散毛崗禽刺惹

長官覃大旺等萬餘人置大田軍民千戶所隸施州



衛以玉奏散毛鎮南大旺施南等崗蠻叛服不常黔  
江施州衛相去遠難應援今散毛地與大水田相連  
宜置千戶守禦乃改散毛爲大田命千戶石山等領  
土兵一千五百人置所鎮之 明史上司列傳

冉舜卿正德元年命大田千戶所千戶冉霏子舜卿爲  
指揮僉事以自陳討川寇功也 同上

覃大勝 覃大旺 覃大興 田答谷 洪武四年元

施南道宣慰使覃大勝弟大旺副宣慰覃大興光寶

容美宣撫 田光寶 子答谷等皆來朝納元所授金虎符命以

施南府志 卷之二十一 官師 二

施州宣慰司爲從三品東鄉諸長官爲正六品以流

官參用 同上

墨池 驢吾 阿巨 洪武五年忠建元帥墨池遣其

子驢吾率所部溪洞元帥阿巨來歸附納元所授金

虎等并銀印銅章誥敕置忠建長官司及沿邊溪崗

長官司以墨池等爲長官 同上

覃野旺 覃起刺 洪武五年散毛宣慰司都元帥覃

野旺上僞夏所授印十七年散毛沿邊安撫司安撫

覃野旺之子起刺來朝命爲本司僉事 同上



田思進子忠孝 洪武二十二年命忠建宣撫田思進

之子忠孝代父職時思進年八十餘乞致仕故有是

命同土

覃友諒 覃添富 田應虎 田大民 田谷佐 覃

忠孝 永樂二年復設散毛施南二長官司先是洪

武初諸土司長官來降者皆予原官蠻苗吳面見之

難諸土司地多荒廢長官亦罷承襲至是故土官之

子覃友諒等以招復蠻民請仍設治所以其戶少降

為長官司隸大田軍民千戶所以友諒為散毛長官

施南府志 卷之二十一 官師 三

覃添富為施南長官四年改施南散毛仍為宣撫司

以友諒添富來朝故也以田應虎為龍潭安撫時應

虎來朝言其祖父自宋元來俱為安撫自蠻亂併其

地入後龍毛隔遠難治乞仍舊從之時高羅安撫田大

民言招復蠻民四百餘戶乞還原職治所木冊長官

田谷佐唐崖長官覃忠孝並言父祖世為安撫洪武

時大軍平蜀民驚潰治所廢今谷佐等招集二百餘

戶請襲許之

覃興 覃忠 覃英 田大英 覃天貴 永樂五年



鎮南長官覃興等來朝稱係世職洪武中廢今招徠蠻民三百戶乞仍舊從之同時設東鄉五路安撫以覃忠爲之隸施南既復設忠路忠孝金崗三安撫司隸施州衛以覃英田大英覃天貴爲之皆因洪武間蠻民散廢其治所今忠等以故官子姪來朝奏請復設並從之各賜印章冠帶

散毛宣撫司

黃縉瑄散毛宣撫司副使

譚文壽木冊長官司 以上三人俱見控制紀畧

施南府志 卷之二十一 官師

四

向麥答踵搖把崗長官見兵事志

田賢木冊長官

覃彥龍金崗安撫 以上二人見控制紀畧

黃俊龍潭安撫司見兵事志

覃大寧忠路安撫見控制紀畧

覃壁金崗安撫土舍見控制紀畧

各土司始宣德二年設建南長官司隸忠路安撫搖把

崗上愛茶下愛茶崗三長官司及鎮邊隆奉二蠻夷

官詞皆隸東鄉五路安撫東流臘壁崗二蠻夷司隸



散毛宣撫石關崗長官司西萍蠻夷官司隸金崗安撫皆以其酋長爲之先是忠路安撫司等各奏前元故土官子孫牟酋蠻等各擁蠻民久據谿崗今就招撫請設官司授以職事兵部以聞帝以馭蠻當順其情所授諸司宜有等殺兵部議以四百戶以上者設長官司四百戶以下者設蠻夷官司元土官子孫量授以職從所招官司管屬皆從之令三年一朝貢如故事

國朝

施南府志

卷之二十一

官師

五

忠孝安撫司田京前明長官司田永豐子康熙八年襲累授總兵十九年告休子昌祚昌祚子璋遞襲至雍正十一年歸誠十三年改爲恩施縣璋隸漢陽世襲千總璋故長子世位襲璋次子世海襲擢荊州水師營守備

東鄉五路安撫司覃壽椿遞襲至雍正十三年歸誠改流其地入於恩施縣境

路安撫司覃承國前明宣慰司進孝子康熙元年以征譚逆功襲前職子世藩世藩子建侯建侯子楚梓



遞襲至雍正十三年歸誠改爲利川縣楚梓隸漢陽  
世襲千總累擢貴州提標叅將楚梓故姪章繡襲章  
繡故子殿雄襲殿雄故弟殿勇襲

金崗安撫司覃世英康熙四十三年襲子邦舜歸誠改  
爲咸豐縣乾隆二年邦舜隸漢陽縣籍世襲千總邦  
舜故子廷建襲累擢山東德州營叅將

安撫司田厯國康熙五年襲至田貴龍歸誠雍正  
十三年裁其地入於咸豐縣乾隆二年貴龍隸江夏  
縣籍世襲千總貴龍故子朝舉襲朝舉故子勝祖襲

施南府志

卷之二十一

官師

六

勝祖故子萬春襲

忠建土司雍正十三年裁其地入於恩施縣

施南宣撫司康熙年間襲雍正十三年裁其地入於宣

恩縣 按東鄉忠建施南二司俱因獲罪改流故無  
世襲

大旺安撫司田永封子安國安國子玉玉子正元遞襲  
雍正十三年裁其地入於來鳳縣乾隆二年正元隸  
孝感縣籍世襲千總正元故子大德襲

忠崗宣撫司田楚珍順治初調征播州敘功襲前職子



桂芳桂芳子兩公兩公姪光祖遞襲雍正十三年裁其地入於宣恩縣乾隆二年光祖隸江夏縣籍世襲千總

漫水宣撫司向國泰子正乾正乾子庭富遞襲雍正十

三年裁其地入於來鳳縣乾隆二年庭富隸孝感縣

籍世襲千總庭富故子恩榮襲累擢甘肅馬營都司

西萍蠻夷長官司雍正十三年裁其地入於咸豐縣

東流長官司田獻章子玉璧玉璧子興仁興仁子堯封

遞襲雍正十三年裁其地入於來鳳縣堯封隸孝感

施南府志

卷之二十一

官師

七

縣籍世襲把總堯封故子邦榮襲

臘壁長官司田琦康熙元年頒給印信琦子朝柱朝柱

子俊德俊德子封疆遞襲雍正十三年裁其地入於

來鳳縣封疆隸孝感縣籍世襲把總陞廣東督標守

備封疆故孫受乾襲

卯崗長官司向舜雍正十三年裁其地入於來鳳縣乾

隆元年向舜籍隸孝感縣

百戶土司向柱遠子金鑿金鑿孫權遞襲雍正十三年

裁其地入於來鳳縣乾隆二年權隸孝感縣籍世襲



把總權故子玉璽襲玉璽故子振綱襲

高羅安撫司田飛龍順治初襲子國鼎國鼎子昭遞襲  
雍正十三年裁其地入於宣恩縣乾隆二年昭隸漢  
陽縣籍世襲千總昭故子永興襲

散毛宣撫司覃勳麟順治初襲勳麟子鴻基鴻基子烜  
遞襲雍正十三年裁其地入於來鳳縣乾隆二年覃  
煊隸江夏縣籍世襲千總無嗣

沙溪宣撫司黃天奇康熙四年襲天奇子楚昌楚昌子  
正爵遞襲雍正十三年裁其地入於利川縣乾隆二

施南府志

卷之二十一

官師

八

年正爵隸江夏縣籍世襲千總乾隆四十六年正爵  
故子恩榮襲陞福建延平守備

建南長官司雍正十三年裁其地入於利川縣

木冊長官司田經國子生瓊生瓊子濟民濟民子應鼎  
遞襲雍正十三年裁其地入於宣恩縣乾隆二年應  
鼎隸孝感縣籍世襲把總子孫龍襲

唐崖長官司覃宗禹康熙四年以宣慰司改給長官司  
印宗禹子鈇鈇子溥澤溥澤子梓椿梓椿弟梓桂遞  
襲雍正十三年裁其地入於咸豐縣乾隆二年梓桂



隸漢陽縣籍世襲把總梓桂無嗣以兒子光烈襲乾隆三十七年光烈故子世培襲

謹按土司各省均有歷代羈縻弗絕但服屬年久奉正朔襲冠帶給予世襲傳子及孫雖不得號爲封建蓋亦竊比附庸矣因纂施宜二府土司改土歸流以前封襲生卒附藩封之後

湖北通志

謹按湖北通志載施宜各土司在宋時紀珍獎等州刺史俱非湖北地元明以來不及詳考惟於歸流以後各司承襲生卒極爲詳明蓋有冊檔可徵故也雖

施南府志

卷之二十一

官師

九

改土以後籍隸江漢諸縣然其先固施人也茲仍登諸志而宋元明以來亦詳稽各史增刪成編焉